

Eike tik

In 'n kurfke
Broen van reet
Ligke bontj gekluërd
De eikes al gereed
Alle man om gen dusj
Mit kluërig kleed bedik
Jieëdereë 'n eike
Effe kuppe,tik, tik, tik
Sangerdaags op 't huuske
Duje dat 't verrik

Wiel Roeselers

Poasjweer

Mit Poasje woar 't zoeëmerweer,
dat mak'ste neet duks mit,
dan woar 't kaod bis óp 't lets,
d'r sjnei wer boete likt.

De beum sjtoan volóp in blui,
es 't noe mar neet geet vreze,
want angesj zalle v'r dit joar,
nog gans get freut verleze.

Dieke boeëne, en de radieze,
die kinne d'r waal teëge,
mar d'r blómmezoad in al mieng pöt,
zit neet óm vrós verleëge.

De moand April deet wat heë wil,
dat is al lang bekind,
't kin reëge, vrós of hagel zien
of kouwe sjrale wind.

Mar inins is 't sjlechte weer vuurbei,
dat is woeë vier óp hope,
en kin'ste wer de ganse daag,
mit kótte muikes lope.

Dan sjtoan de beum pas ech in blui,
en alles kumt tot leëve,
dan zit ich lever in d'r gaad,
es heem zitte te sjrieve.

Thei Janssen †

Volksgebroeke oet de Uësteriekse tied (1712-1794)

Op "Fakkelzondig", der ieësjte zondig van de Vaste,
leep de joegend mit sjtruëfakkele doeër de freutweije.
Op Paumzondig sjtook der boer 't ieësjte puimke onger
't wiewatersbekske, 't twieëde in ene sjtiel van de sjuër
en 't driede in der kauwsjtal. Doanoa trok heë mit vrouw
en kinjer ge veldj i en poatte zien paume op jieëker veldj,
jieëkere freutwei en al zien beënje. Mit Poasje kipde me
geverfde eier. In de Gouw Weëk leet der pasjtөөër der
kuster en zien hoeshoudster van hoes bis hoes goan
en eier ophoale, woeëbie der kuster jieëker hoes mit
wiewater besjprinkelde. 'n Deel van de eier woar vuur
pasjtөөër zelf, 'n deel vuur de kuster en de res woeërd,
sjoeën geverfd, doeër de pasjtөөër oetgedild aan de
catechismuskinjer. Dan ontbrook geen Inkel kindj!

Vrie vertaald oet 't boek van "
pasjtөөër Moonen
"Brunssum de eeuwen door"

Helle eier

Mit Poasje eët ich helle eier,
dat is lekker, doa geneet ich van,
behalve ing paar daag spieëder,
es ich neet noa 't hüske kan.

Thei Janssen †

Vuurjoarstied

Eindelijk is 't weer zoeë wiet,
't is weer vuurjoars tied.
't Sönneke sjient weer doeër de beum,
't graas wurd weer langzaam greun.
De blome beginne weer te gruije,
Sommige beginne zelfs te bluije.
De vuëgel vleege weer tsjilpend rondj,
Wat zunt die natuurlijke dinger toch gezondj.
't Is gewuën 'n lus vuur 't oog jieëder daag,
Gelukkig dat dat noch ummer maag.

Preuf 't vuurjoar zoeë lang wieë 't geet,
Doe zals zieën wie good dich dat deet.
Zoeë lang vier doa van noch kinne geneete,
Hove vier os zelf neet op te sjeete!

Dink dan och ins wat hubbe vier 't toch good,
En es 't nuëdig is put dan oeët dat vuurjoar hiël veuël nuje mood!

Ron Logister.

Vuurjoar

't is vuurjoar va 2009
En vier zitte boete op de bank
En dont de oge touw
Vier loestere noa de vuëgel gezank
Dat is 't leëve
En mit ee teske kaffe va de vrouw
Es vier 't mage beleëve
Da kunt d'r zoeëmer gauw

Noe sjtont vier op en gunt noa binne
Want der kruupt ee wölksjke vuur de zon

Jan Halmans

De gauze

Op Amelandj verzamele zich de gauze
En make hiej een ganse lang pauze
Oet Rusland komme ze vandan
In oktöeëber zind ze der massaal
Doe kins de klok drop zitte
Went ze komme aa zitte
Ze gont zich hiej aa sjterke
De boeëre gont dat weer merke
De ganse wintjer blieve ze hiej
Alleen mer vreëte en veul sjjeterie
In de wejje zuus te alleen gauze kluër
Op Amelandj in de natuur
Went de wintjer is vuurbiej
Is 't gedoan mit de vreëterie
Sjtil aa zind ze koeëgelrondj
't graas va Amelandj is gezondj
Went da 't vuurjoar naderd
Huër ste ee en al gesjnater
En weer kins te de klok drop zitte
Went ze goan vertrikke
Op de 15e in de mei moandj
Verloate ze massaal 't eilandj
En vertrikke noa Ruslandj
Om te bruije in 't ege landj

Jan van Haaf

`t Vuërijoar zit in de loeg

Dat merkt me aan de natuur mer oog aan de luuj,
Miejn vrow begint dan te poetse tot alles blinkt wiej nuuj,
Ze is de kou zat, en zèt vinsters en duëre oape,
Frissje loëf mot noa bènne zeat ze, alles woar lang genug gesjloate,
De ganse boet sjeet dan op d`r kop,
Ze sjlèpt mit alles noa boëte, ich weet neet miej woeë ich zitte mot,

Al drij daag eate viejr friet mit kroket,
Diej ligge mich op de maag ze zint erg vèt ,
Nog twieëj daag mood houte zeat ze dan bèn ich kloar,
Dan heat alles een gow buërt gehad tot volgend joar,
Gelökkig zèk ich, dan kumpt weer rust in de tent,
Och erme haus zeat ze, doe bès niks gewend,

Ich sijnap neet dat diej zin in sjoeënmaak heat,
En doa gaar neet meug van weat,
Es Ich `t woeërd sjoeënmaak huër weër ich neet good,
Dan zakt mich de mood,
Tot in de sjoeën,
Doa kèn ich niks aan doeën.

Jan Theunissen

Vreugjoar

Went de magnolia's
oetbundig sjtond te bluije.
En in azalea en rododendron
de knoop beginne te gruije.
Aan beuke, wie veënkes,
de nuje bleëdjies komme.
De hosta's hun bleër ontrolle
en varens zich ontkromme:
De zon de eërd raakt,
vuurzichtig mit werme handj.
Dan zou ich 't oet kinne sjrieëwe:
"t Vreugjoar is in 't landj!"

Wiel Roeselers

Oetsjpreuëk

Neet jjeëder ei is te eëte.

Ooch al lieët der haan de helste sjrei, oane hoon has doe nog lang geen ei!

Wiel Roeselers

Sjpreëkwuërd uëver Poasje en eier

Dao is 't dik gowwe vriedig
Heë kumt mit zout es 't ei op is
Vruj dich neet op ongekoakde eier
Me it geen Poasjeier op Gowwe Vriedig
Greune krismes gieëft witte poasje

Zij hebben het niet breed
Dat is mosterd na de maaltijd
Verkoop de huid niet voor de beer geschoten is
Alles op zijn tijd
Weerspreuk